



西陂類稿卷二十

藤陰酬倡集

商丘宋犖牧仲



盤谷拙道人以豆苗菜見寄用兒至韻答之
杏白松青地幽巖豆有苗盤餐足風味采擷訝迢
遙煙葉看仍脆香莖芼未消因之憶廬阜佳話記

清宵

廬山亦
有此菜

和前韻

起渭

盤谷與廬阜嘉蔬產豆苗芳香一種合南北兩山
遙禪悅有同味葷羶誠可消詩情喜嘗遍

涪翁詩
自許詩

情合得嘗清咏發中宵

式丹

土膏春應候山隴豆抽苗此日嘗新好相思餉客
遙飯香良可佐酒渴亦憑消微物成追憶廬山似
隔宵

鴻曆

彷彿南山豆芳時已立苗摘歸春晚晚分送路迢
遙籬落雨初過筠籃露未消憐渠有生意芣食待
深宵

列鼎烹珍膳操鑿採豆苗天淵雖隔闊鷗鷗各逍

遙下箸朝餐飽登梓宿酒消鄉廬荒舊圃因爾立
中宵

崇烈

不荷金鴉久南山想舊苗闌干看寸寸荒穢付遙
遙撐拄應無負方岳豆苗詩遠莫致之長負腹膏育定未消東坡書生
春羹添故實高唱玉堂宵

桐城

劉輝祖 北固

不是南山種東風暗助苗提攜煙露滿寄贈水雲
遙至味人如淡嘗新使意消周顥愛佳句咀嚼坐
深宵

仁錫

開士金鴉背春山斲藥苗食單如在野驛致未辭
遙葉尚含煙溼清宜薦酒消吟成齋閣裏晏坐徹
中宵

匡廬開府地清節比時苗感舊風情託寧論南北
遙落其形特肖然釜泣全消好與巖棲者同禁
風雨宵

新詩緘讀罷焚研學君苗寫得山林景誰云陶謝

遙野田疑葉盛陶詩葉盛
豆苗稀幽壑見冰消借問登梓

賞何如煨芋宵此首專
簡山言

元鈞

聞道盤龍谷幽深長翠苗葉如戎菽細名引玉淵
遙入品應稱逸為羹旋欲消山公朝退後清興想
連宵

木鉢安禪處清泉長嫩苗盤盃登味別支許寄情
遙雲甲何曾變山香久不消何須同碧藕雜還上
春宵

平生學圃手未辨此佳苗小譜看如畫西陂公疏
示此菜甚

詳清詩韻轉遙韭花春睡足菰菜旅情消欲侍橋

衡席清言失禁宵

泰來

山蔬肥穀雨野豆摘春苗蓮社嘗來舊盤山寄處
遙土香渾未改酒渴已全消無那僧歸急詩成寫
隔宵

樽瑞

山深出佳產春摘野蔬苗恰得遠公送無煩廬阜
遙清須茶臼挹熱賴蔗漿消比似那勝此應厭
晏坐宵

試下何曾箸知勝筍蕨苗萍蘘難傲猝鱸膾反嫌
遙午夢無羊蹴朝餐覺酒消宜公就新句肩聳向

清宵

原詩

至

小雨初晴候空山長豆苗殷勤道人意百里寄
來遙嫩綠寒猶卷清香摘未消好將一杯酒感

舊坐春宵

舊有豆苗
菜倡和詩

聖安寺看楸花

長楸百尺蔭禪扉花發清和香氣微不知鳥散繁
英落只怪南風紫雪飛

前題

至

紫雪堆空當首夏柳湖宿雨喜初晴殘花不住

西陽雜俎 卷二十一
枝頭落矮樹還從腹內生日射圍垣香乍動煙
籠小院氣偏清連朝酒榼提攜遍只欠南鄰棗

下行謂棗花寺

豐臺看芍藥

豐臺芍藥輦下奇城南十里紛離披連日陰霾忽
晴霽尋花車馬相攀追東豐西豐花作海竹籬茅
屋翻朝曦相公之園王文靖衆香國一亭環繞皆燕
姬提攜遊伴過別塢展席呼酒夕照時狂香共挹
老槐下一朶壓帽從余嬉憶昔家居古竹圃花屏
插就雲霞垂含清亭畔平江使院幾開讌當筵各鬪瓊

琚詞此際吟懷得浩浩顛狂一任旁人嗤寄語西
陂灌園叟旦晚會有看花期

前題

式丹

雨歇郊垆沙路軟吹袂東風冷然善巾車小駐訪
花師正及春殘夏猶淺千滕白白與朱朱次第枝
頭破春繭粉靨嬌黏露液融霞裳豔拂煙絲卷平
生頗不戀繁華却爲勾留重迴眄昔年曾一到豐
臺金埒錦圍策疲蹇余往年遊豐臺有金埒錦圍之句漫興揮來

十二章飲徒歌侶同沈湎長安合散比浮煙且與
風光共流轉秋官去後孰論詩余有豐臺芍藥十

寇新喜接山公清興展花裏林邊布席時冶態橫
 陳香漫衍舉觴四顧久低徊細縵夕照相迎餞臨
 行折得數枝花五色雲衣落并剪便從燈下辦詩
 忙坐對濃花毫自吮西陂先生有詩云正值豐臺
看花罷一時燈下辦詩忙
 紅鐙正合退之吟玉盃好是坡公撰捧詩欲和更
 踟躕遨頭歲月生遙緬那得王微作賦才笑把一
 枝猶婉孌

鴻曆

青陽少女催花信藥欄曉洗紅妝靚天公著意惜
 餘春故遣奇芳為後勁劉放舊譜三十二廣陵散

絕從誰訊北地風流稱自昔祓除豔說風詩贈豐
 宜門坊草橋市婪尾東皇傳甲令居人種花如種
 穀絡繹包原無地賸四月遊人舉國狂車馬如流
 劇高興山公啓事有餘適衆賓雜遝隨鞭鐙玉盃
 紫勝曉雲凝儷白駢紅朝日映名種無勞金帶誇
 芳姿合遣姚黃聘錦幃橫陳不見後十里惟看平
 野亘相國亭臺連舊閣園官籬落開新逕盡醉尊
 前我不辭一枝插向繁霜鬢記取春風爛熳時起
 舞會須賡病競

士玉

芍藥最數東西豐尚書載酒門生從風日清酣初
破萼繡谷十里攢芳叢短籬曲徑披賞遍名園步
入花光濃朝雲英英鋪粉白晚霞豔豔搖鉛紅鈿
車寶馬不知數喧蜂亂蝶俱息息自昔從公醉使
院洛下珍卉來吳中含清亭名高會婪尾盛倡妍酬
麗年年同十枝五枝鬪姿媚三朶兩朶標丰容此
處嬌花迺萬本周圍錦浪亭浮空舉杯忽悟昌黎
句狂香浩態今相逢

崇烈

我鄉芍藥世稱最太守當年盛車蓋一時花數偶

符人好事流傳說金帶此間名地維豐臺四月狂
香吹馥馥玉輪寶馬人人過不少高陽一杯酹山
公病愈呼我出日淡風輕淨流盞千朶萬朶循巨
觀一枝兩枝有微會酒酣忽憶故園趣曲檻離披
煙水外一官拘繫返何時乞假嗟如船上瀨歸來
更向瓶中看几上風光正無賴擊壺燒燭已忘愁
醉笑竹王輕漢大

嗣立

豐宜門外車遲遲遊人四月如雲癡羈心一春苦
惆悵笑口始見看花時草橋接藍上柳色田田荷

西陽類稿 卷二十一
葉抽清陂西山斷處茆屋露筓籬鹿眼光參差千
枝萬枝自婀娜露紅煙紫紛離披相公花圃更佳
麗入門連魄目去眇分明置身錦繡谷四座圍繞
娉婷姿西陂先生發興猛消搖散步窮茅茨行廚
出酒話花海往事一一陳商彝隔牆老槐弄蔥蒨
綠陰入戶添鬚眉藉草雜坐獨醉倒滿身疎影斜
陽宜誤疑秀埜一弓地米囊錯綵空庭垂金帶圍
名最難得歸路折取催新詩何事揚州萬花會金
錢浪擲令人嗤

元鈞

都城舊說豐宜門出門十里蒼煙昏豐臺之名何
所始無臺但有花連村就中芍藥號尤盛香霞四
月當晴暄京華往來已五載未踏此地心煩冤今
朝烏騾出翠甸小棚半畝臨紅繁排頭繭栗尚嬌
小姹女齟齬何嬋媛猶聞綠野闕幽事數十萬本
叢環琨款門請看久始入果有異境藏丘園風鋪
霞繒不可捲熨帖鮪灑如無根朱欄百曲入花街
溫香熟美熏衣禪錦窠香海不可得此地乃有花
乾坤人間美好豈濫獲一枝已足當階翻何爲千
花復萬朶不辨香色栽籬籬春風搖蕩等燕麥坐

使國豔傷心魂山公臨風展襟韻稱與花相鳴篴

壘李茶陵詩持從遊袞袞盡名彥玉堂宴賞風流

存明天順間李賢等是時輞川遇摩詰攜家借墅

高情騫少宗伯瑁湖王風流二老步相接巡簷吟

嘯詩清溫楚狂小子被花惱狂香之側為狂言昌黎

芍藥詩浩態狂香昔未逢吳荆山吉士舉此以評

園花景象大合樽前醉倒歌者誰楚狂小子韓退

之亦昌黎江鄉已無萬花會合來此地傾芳樽樽

前且倒勿相謔金圍幾朶何足論

百舌聲老月過三枝頭繭栗春尾婪豐臺風光正

塔

邀勒遊花冠蓋南城南蜂蝶前驅鶯燕鬧黎雲冉

冉紅酣酣王園萬本更奇絕蓬萊一宮花海涵雲

階月地仙馭列綵旄絳節紛相參雨洗凝脂分外

白態醺卯酒天然憨花侯花相漫題品較之姚魏

青於藍賴公鳳箋為收拾穠姿貴綵詩中含我本

懼儒斷結習對此香色迷瞿曇飲餘跋馬不忍去

帽檐一朶從人簪

至

花事怱怱剩芍藥右安門外車輪錯十里豐臺

錦繡窩粉雲零亂紅霞落朝分萬朶佐賓筵暮

翦千頭供畫閣浩態狂香倍可人詎使春歸歎
索寞我家小圃宋城東丹山雛鳳芍藥名紛栖託
六載騎驢踏軟塵芳時應被花神噓數枝買得
破羈愁小貯銅瓶頗不惡清吟冷嗅到三更夢
入鄉園披露萼

拙道人再以豆苗菹見寄分送諸公竝答道
人

又拜山菹自上方幾莖吟社許分嘗正值豐臺看
花罷一時燈下辦詩忙

前題 起渭

蔬品傳來自上方風流太宰遣分嘗便教翦燭裁
詩答撚斷髭鬚為口忙

醫治詩句有奇方香草須教取次嘗痛噉此蔬兼
飲酒愁魔今夜一奔忙坡公詩愁魔得酒暫奔忙

式丹

小擘吟牋數寸方嘉菹分送喜新嘗尚書風格清
如許莫笑平生為口忙坡公句自笑平生為口忙

崇烈

公示豆苗詩復送豆苗菜莖葉何青青香脆曾未
改摘擷緬白雲山趾及溪背頃筐課髧塞解籜括

西陽類稿 卷二十一
晡夢封題遠餉公分食逮我輩長安盛苦苴匕箸
達編闡我昔誤一食厥刺戒膺肺念彼山中人食
此大自在徑須從之遊悠然詠采采

嶧瑞

方外調蔬別有方鬆腴應勝鼎烹嘗段家食品荀
家饌却笑徒求異味忙

菽乳纔傳自上方清菹又許客同嘗誰知謝傅稱
詩好不礙山公啓事忙

元鈞

山菜居然冠朔方繞牙清脆得新嘗祇憐三韭無

風味添與齋廚一日忙

碧葉膏肥真似豆清香酷烈勝於蘭尚書不獨分
甘旨要使門生議食單

恨無郵使寄將歸分送幽鄰識者稀一昔鄉心憑
翠葉水村春雨豆花肥

登舟留別牧仲太宰

廷敬

御溝屬瀛海馳道連大川流漸及晨潮解纜春風
前湖江渺萬里似攬崑崙源巍巍居崇高下念臨
深淵羽衛靜無聲波濤平不諠息慮寡朝謁離羣
曠周旋旣慙隱淪樂尚慕肥遯賢別意方超忽贈

處昔所敦

午亭先生扈從南行途次以鴻篇見寄次韻

奉答

淮泗議疏鑿 六御臨長川左右資良弼 詔附

龍舸前風颿漾春旭信宿經清源省務阻瞻送津

鼓懷淵淵我公發高唱頓息迴波誼遙枉琳珪贈

壇坵儼周旋生平鄙吝消端賴雲陞賢申章企會

合白首情彌敦

七月十五夜過慈仁寺成周卜寓齋看月

入寺尋明月高空過雨時溼煙開古閣靜影踏疎

枝清興秋來發深杯老不辭歸途燈萬點荷葉碧

參差

是日兒童舞荷燈為京師舊習

次前韻

嶸瑞

地僻秋生處天空月上時好風微到袂棲鳥不驚

枝塵淨談應起杯深醉那辭宵分更流彩雲影未

參差

陳琰

昨愛雨餘月

前一日看月山言寓齋

今逢月滿時燈搖擎露

蓋鴉墮礙巢枝地僻談無忌秋清醉莫辭夜分鐘

梵歇吹出玉參差

嗣立

古寺初秋後涼宵乍霽時話深鐘到院坐久月當
枝把酒嘗新果移燈讀古辭孟蘭人未散歸騎聽
參差

泰來

秋月初圓夜僧寮晚霽時清光銷薄霧涼露綴疎
枝庾令南樓興蘇公水調辭勝情忘漏永觥影照
參差

文昭

雨後新秋好涼生月上時疎風傳晚梵濃露匝深

枝白傳情偏逸山公醉不辭披襟移席處杯浪綠
參差

至

雨勢宵來歇僧寮挂月時故人成小飲涼露滴
高枝頓切投閒意爭吟絕妙辭天街燈火靜聽
徹玉參差

上自塞外網得松花江魚遣使進獻

皇太后分賜九卿有差臣犖得拜四尾敬賦二

首

江色松花冷文鱗出網肥夫書馳絕塞方物獻

西陽類稿 卷二十一
慈闈畫省承 恩渥新詩紀盛揮白頭藤蔭下不
少素餐譏

詎數江鮓美春秋薦 寢園陵廟時享必用此魚拜歸肅家

祭烹出集高軒松釀當牆過霜花點座繁 宸章

仰魚麥上賜魚 麥堂額清夢到荒邨

次前韻

陳琰

大漠秋江闊名魚二尺肥分鮮自 行在拜賜出

宮闈正席腥先薦飛觴箸欲揮曾叨關外鯉飽食

恐貽譏前年冬琰曾拜 東鯉之 賜

珍重天家味攜來祇樹園時遊天寧寺 出以共嘗鳴薑離翠

釜香鱠溢雕軒縷切銀花細紛霏雪片繁和羹手
親試莫憶淶波邨

九日陪西陂先生暨諸君登毘盧閣飲樵沙

道院

陳琰

一年幾佳辰浮生徒勞攘宋玉懶悲秋重九期無
曠言指毘盧閣殿古仍宏壯偃僂攝衣裳危梯取
次上攀躋憶吾曾見聞若新剏俯視但鴻濛焉能
辨所向稍覺疎林外隱隱聞樵唱大哉黃金闕鬱
蔥氣何王煙散西山明紫翠千萬狀迴策遊樵沙
羽化寧欺誑一醉乘松風欲擲盧公杖飄飄吾亦

仙宿因未曾忘

和前題

昨為郭外花宮遊寺塔外松風劇蕭曠別來三

日軟塵中鈴語猶聞耳畔颺今辰興發作重九共

躡慈仁高閣上盛明七子此振衣詩句流傳競弘

壯邇來松死遊亦稀霄漢我曹任俯仰嗟峨宮闕

駕方蓬迢遞雲山儼屏障憑欄一嘯涼飈吹宦况

羈愁盡驅放我過七十望八十登頓雖煩神逾王

更從別巷訪樵沙道院幽幽愜微尚到門鳥語訝

梭鳴行地桐陰疑水漲仙壇屢事文字飲此際追

攀得哲匠兒孫侍行頗解事采菊荒園導印杖攜

來御賜松花魚分噉還期發高唱道人尸解已

百年萬曆朝有道人號鬱鬱孤墳仍在望呼之或

出松楸閒濁酒一瓢好相餉風林纖月且徘徊脫

却長安冠蓋樣

涇陽劉灝西谷

公昔建節三吳時手闢滄浪遂高曠公今入為六

卿長心與雲煙遙蕩颺載酒常尋老樹邊吟詩獨

立浮圖上朝坐持衡鑑自明暮歸蠟屐神猶壯屏

騶散步路人驚呼為地仙爭攀仰聞昨重陽登傑

閣憑闌飽看青霞障雲高秋野鷓鴣盤日落煙村
雞犬放薊丘險地古漁陽戰守千秋幾霸王荆榛
臺下弔燕昭風雨雲中懷魏尚興來掃壁恣揮毫
瀕洞勢如江水漲同遊賓佐束手觀引墨操斤仰
大匠籬外黃花如解人葳蕤故遶蒲萄杖顧我忝
爲王翰鄰隔牆往往聞清唱涇流河伯敢欣然面
日向洋聊一望蜀箋豈但木瓜投似把天漿克餽
餉和詩持報屢逡巡欲畫葫蘆難依樣

元鈞

人生重九信佳節帝里逢之亦閒曠黃花得氣要

晴暄不遣滿城風雨颺是中古寺密於薺多有樓
臺寫清壯登高半是天涯客三尺丘陵亦爭上尚
書翠袖拂涼旻秋閣高吟萬夫望白鬚紅頰八座
尊步履登臨事真勦門生熱喘如笳吹坐訝飛行
空所向豈知逸興未渠央放筆裁詩神更王樵沙
道院上真前酒觥經魚亦佳狀頽然嘯詠足清音
絲竹何須發妍唱呂家亭子虛浪跡未得銀筵撰
藤杖酒邊誰是吐茵人落帽叅軍翻舊樣

嶸瑞

蕭晨逼搖落羈客空首搔那能著短屐但欲歌離

騷廣平具好懷車前屏旌旄酷愛覽觀適都忘登
陟勞傑閣凌層空四達瞻周遭煙生出遠岫鴈下
連寒濤蒼茫入無際秋色何滔滔日斜興未稀更
起尋林臯城隅有道院地僻離塵囂踈黃墮鴨脚
淨綠浮篋鱉魚來松花江公出御賜松風味勝
蟹螯傍籬旣采菊捉筆還題糕龍山傳往事千載
推人豪不落孟生帽且舖屈子糟公歡顧而笑我
官豈冷曹長安曾幾輩今日閒登高

賦得重陽寒寺滿秋梧

草草登高興未酬還尋蕭寺一林秋寒柯遍向香

臺覆破葉仍看玉露流洗罷清陰留滿院倚來涼
吹引閒謳自憐老去無拘束黃菊何妨插白頭

次前韻

陳琰

佳節花宮互獻酬高梧蕭撼四山秋碧陰三畝掩
荒逕黃葉半林飛亂流疎雨滴應消薄醉寒蛩吟
欲伴清謳風枝戛處閒僧笑破帽吹餘莫戀頭

送李少司空貞孟予告還柘城

司空致政令名全五老風流繼昔賢白髮清時方
待漏黃花斜照又離筵詩歌共羨歸裝滿車騎偏
宜畫手傳他日望衡尋舊隱渦河同上打魚船

前題

白髮心情聖主憐閒身乞得守林泉名傳殿
上韓公最社結睢陽杜老先篋裏白天書誇族
黨雨中鳩杖話桑田他時問字雲亭去清酒盈
尊祝大年

小除日漫堂讌集詩序

灝

康熙丁亥歲除前一日太宰商丘公召其通家子
及門生凡如干人合饗於邸第之漫堂衆賓既集
子姓侍側公舉觴謂坐人曰昔合肥龔端毅宛平
王文貞兩公每以除夕會賓僚其家為守歲之飲

嗣後長洲汪堯峰新城王阮亭猶踵其事前輩凋
謝廢墜到今茲焉讌集冀續前休於是盍簪列炬
以次就位燔炮裁炙方物盈俎觥籌酬酢匪疾匪
徐嘗讀王子安守歲序云年鬚將晚志事零落對
他鄉之風景憶故里之琴歌斯蓋羈人旅士感時
觸緒之恒情也若乃登孫弘之閣舉孔融之尊禮
成於曠歡洽於同衎衎從容笑語卒獲四座之人
如比閭族黨饗蜡伏臘各忘其身之淹而志之鬱
今夕何夕昔人陋已於時公詩先成鏗鏘之韻旁
達軒楹灝以病止飲已數年是日醉焉乃拊缶為

秦聲其詞曰歲序忽已盡去日不可招萬壑趨溟
渤繁星依斗杓非公敦懿義誰憐歲寒凋廣筵列
芳酌紫衣將蘭肴道契跡自親豈惟頌春椒風徽
緬曩哲百年有今宵一聆大雅曲羈思忘飄搖迺
知君子心化人如簫韶奉公千萬壽願言鎮浮囂
歌既闕復顧謂同座曰公年今七十有五而康強
矍鑠纔如五六十歲人弘獎風流百年未艾獨念
我輩聚散若雲煙寧能歲歲登斯堂舉茲觴邪則
今茲之會可無紀述以永公德且俾後之來者知
某某曾與於斯也

讌集詩

少陵歲暮詩陰陽歎轉轂奔走九陌中逾覺去日
速誰從冰雪窟寸心盟幽獨憶昔開國時前輩許

接躅南北兩巨公

龔端毅
王文貞

守歲酒頻漉汪王後來

哲

堯峰
阮亭

踵事韻不俗老我趨省闈彥會偶一續招

邀吟社侶無待長鬚促食單集方物頗亦窮水陸
灑鯉登盤美汾酒開瓶馥紫茵與黃雀瑣細風味
足觴行一灑然胸塵洗十斛起觀壁閒畫春色滿
巖谷如覲滄浪亭兼挹匡廬瀑借問輦下賢有此
勝情不煖房花雖繁生意困縛束東風幾日來樵

沙杏吐玉相將更一探豫出佳題目

式丹

臘尾未破春一歲殘一夕虛堂耿寒光梅花香著
莫山公興味佳餞歲聚詩客此風念已杳九衢塵
空積龔汪與二王先後慨陳迹復此文字飲槃按
照幕帶水陸壓段珍殺蒸麗蘭籍三爵接談諧四
壁賞古蹟把卷誦清芬文康遺手澤書題關世變
毫素感今昔起步更促坐汾酒甕初坼名耐不虛
傳深杯乃絡繹清煙吐燭花微颺動簾額節序赴
壑蛇坡公守歲詩語新舊幾遷易東坡歲暮篇三和憶風

格息息三十年此日足可惜

坡公歲暮三首丹三
十年來凡三屬和

今幸遊師門唱酬奉硯席山阿拾香草雲津弄瑤
碧隨時境皆佳覓句地無擇行將踏春蕪東風傍
輕策

鴻曆

晚晚歲云除羲馭不停晷土風重時令市肆正填
委况此都城中人海鬧如螳前術籠百貨後街馳
九軌喧闐迎年鼓騰踏看燈市軟紅高十丈灰洞
差可擬出門不仆蹶衣衫亦塵滓食事尤荒唐略
與隴饌比饋節趨鈴騶名客剗羊豕餽餅壓貊盤

西陽類稿 卷二十一
三
饌花飮方簋山蔥與澤蒜未噉頰已泚顧我窮薄
官齏鹽嚼宮徵冬冰斧作糜鼎食竟安企屬以休
沐暇闌闌厭轉徙科頭坐下春擁被得晏起何來
剝啄聲赤幌走胥史吾師修故事徵召共諸子連
朝食指動趨赴欲倒屣圍爐獸炭紅款坐蠟花紫
廚人方欲清鏘器聲入耳菜雞抹作鮮韭萍風味
美巨觥斟羊羔老枕斫灤鯉鮓魚生可致驛送已
千里一餉良足樂萬錢詎云侈放箸腹果然老饕
信吾以酒闌燭未跋談清掌猶抵文康手澤存煙
雲縈側理敬觀聊一過典型追正始曲房護羣葩

火迫綻霜蕊東皇來有信濃香豔桃李稍待春融
怡西城陪杖履分日理行策聯袂出郊鄙摩訶菴
裏花玉泉寺頭水清遊要及辰取次韻言紀

陳琰

一歲行盡矣萬感了無益紙牕竹屋閒青燈太闌
寂坡公無聊語佳趣何從覓商丘雅好事大會能
詩客足散羈人懷兼踵前賢跡明宵任藏鉤今夜
恣浮白守歲何所談風月外俱斥吁嗟古道亡長
安非曩昔自述公卿貧誰負風雅癖餽歲無具文
傳柑成虛席有文不送窮安用千篇積有詩徒設

西陽類稿 卷二十一
祭苦心一笑擲約略終歲功酬應最可惜今日良
宴會聞者驚勦獲門前塞車馬階下錯履舄才皆
掣龍虎歌欲裂金石作此不急務鄰巷爭嘖嘖爾
時春事遲寒威起肘腋何來暝律吹陽氣盈大宅
唐花破蓓蕾晉酒泛琥珀時飲潞酒汾酒堂懸文會圖坐
對古裙屐西園儼未散南皮亦咫尺笑語若可呼
賭茗或鬪弈食單非燒尾方法勝膾炙知味不知
名半勞遠人驛只餘一私憾病夫口不適觀飲興
亦酣雄辨氣欲激突傳江鄉信旱後人民厄饑寒
徧閭閻盜賊肆橫逆坐客色然驚欲歸苦無策我

謂天可回杞人徒滋戚 聖主及良佐蚤夜定區
畫但醉無多言今夕是何夕

嶧瑞

北陸未迴陽西山尚飛霰栗烈氣方寒崢嶸歲又
晏明宵當守歲今夕誰家先山公饒勝情愛士心
無倦暫得歇啓事早思集羣彥筵開具方物風味
種種善詎鬪何曾廚自兼羊曼饌花房更加煖繁
萼枝閒綻爭分龍腦馨寧輸馬塍絢時節不虛擲
典型諸老擅爛熳椒辛盤沉酣文字戰此日事猶
傳何年風遂變詞場一燈在不絕今如線高調唱

西陽類稿卷二十一
白雪好詞續黃絹非公踵昔賢風流那重見

候官林 信吉人

憶昔初至吳公方理藩政春風綠牡丹薇省聯高
詠爾時東南士望公如斗柄嗣聞撫西江笳鼓賦
競病潛消反側心深契湖山性及再移吳會坐鎮
崇清靜文教事昭宣繁華俗黜屏節鉞十三年心
比滄浪淨邇者陟天卿喉舌巽申命人才羅夾袋
銓敘澄明鏡素絲退食餘風雅資涵泳開尊集名
流守歲協家慶簋陳方物錯瓚挈醪醑遊良會既
懽駢新詩絕幽夤鼓吹張休明激揚崇雅正承平

前輩韻故事遙相映懷新念舊歡慰感忽交併年
華如轉轂歲月易馳騁非公嗣芳徽誰為煦冬清
翻因雅集同回溯流風盛玉河請車下半薨為壽
竟西涯有佳話傳聞生肅敬惟公恢昔賢賡颺弼
明聖燮調玉燭光不棄短燈檠愛古豈薄今直道
還孤行走湜與僵籍抗手得王竝序當小除前論
從月旦評春生綠醕濃寒洩細梅靚窮應送去休
福自邀新迎東皇取次來驄騎花閒橫載和嬉春
體敢辭盤空硬

合尊餞歲列賓筵文讌清娛踵昔賢都下名流羅

西陽類稿 卷二十一
俊及盤中方物品芳鮮臘殘纔換大寒節景淑先
來小盡年滿室春花占得氣春風取次更留連
圖書插架笏堆牀掃地焚香雅興長久識中原文
獻在更占黃道斗杓光韋門相業詩三世王氏通
天帖一囊韓范功名燕許筆幾家閱閱敢論量
十年蹤跡等浮萍六載殘冬客帝京略見風流前
輩韻猶聞宛洛舊人情時當歲杪周星轉運際承
平四海清東閣留賓守除夕楷模還仰繼儀型
人中麟鳳文中虎霞蔚雲蒸聚此都歲序崢嶸忽
已晚風塵荏苒孰相娛汾香滄辣頻開甕灤鯉菜

雞更飭廚促席從公談舊事新詩傳與後人圖

大受

長安歲除逼人意寒於冰山公雅好事開閣筵張
燈珍羞備川陸此腹頗能勝頽然飲徑醉旨酒歌
如澗起行披書帷花氣春風蒸慷慨念前哲佳辰
會賓朋高譚經世業餘事篇章稱後生附雲路故
典今可徵無爲傷暮景歡樂時方乘江南繁盛地
旱潦忽頻仍從公燕京洛百慮茲迺興日月行迅
速客子歸未能朗詠慰今昔清霜映鬢鬢

鵬年

西陽類稿 卷二十一
古人重歲除流光慨轉轂椒盤列華炬繼此白日
速恭聞 聖明代惠澤及笄獨鉅公啓沃餘風流
擅芳躅置驛召賓僚瓊筵酒頻漉顧我文園病自
覩殊惡俗佳辰一向隅後會安可續因思窮簷士
歲暮多刺促誰能庇廣廈毋俾舟推陸城東屋數
椽茗香晝芬馥憂痒念邁閔雨露濡已足獨憐定
省缺莫釋愁萬斛努力祈青皇陽和遍黍谷手掬
西山雲衣露洞門瀑逍遙詠歸信更許追從不幽
期惜蹉跎佳賞愁縛束顧瞻春風座階庭滿蘭玉
崇班頌天老羣賢藉題目

嗣立

百貨堆九衢家家寂如水閉門送殘年寒風出戶
裏尚書晚邀呼別歲交烏履滿堂盡毫翰壁畫淨
琴几皇城夜喧譁韻事那得此盆梅逗暗香薄霰
點寒蕊

臘盡凍仍緊春風未漏洩綵燈轉華堂簾垂火愈
烈彝器旣紛陳方物更羅列食品膳夫經羔兒酒
味別脫略寬禮文小飯兼大歡莫傷歲遲暮良會
且歡悅

此日修故事前輩不可期維公數曩哲當年親見

西陽類稿 卷二十一
之往者歎零落存者傷別離攔街搗更鼓寒燈影
遲遲登壇首高唱桐華思紛披清聲激金石喧傳
看新詩

昔年侍吳閭菜雞歲相餉

丁丑歲除有
謝餉菜雞詩粼粼滄浪

水渺然雲漢上水旱召萑蒲伊誰作保障家書故
鄉來中丞永弗忘不才滯書局得隨籍湜行曆頭
止一日爛醉拚盡量

士玉

伊余入京華歲除已逼三窮年事編刻兀兀書中
蟬茲晨得休暇如壯馬脫銜屬公高興發招邀盍

朋簪紅爐圍綺宴方物羅朔南汾酒灤河魚割鮮
鬪芳甘試嘗披綿雀更覺鄉思添急觴盪煩慮正
襟聆雄談風流涕龔王王汪亦驂驪後生困塵縛
勝情疇復諳矧公海鶴姿濟勝雅所兼春風生杖
履花事先期探

泰來

歲月新舊催修蛇望壑赴曆頭一日剩客裏三年
度尚書晚肆筵守歲修典故爐獅蹲燄紅雪繭沉
煙炷八簋既羅列食前方物具酒清秔稻香對之
觸南顧吳田失西成此樂未易遇人事改疇昔曷

西陽類稿 卷二十一
以娛歲暮思公不可忘有如奪乳哺吾儕尚飽德
毋乃異寒煦風流數前輩琅玕生咳吐明燭照丹
顏神仙主瑤圃竟席意不罷矍鑠天所賦歡宴永
今夕花期復遙源勝事當追隨步履春風路

宜興 儲在文 禮執

四序將更始月窮而星回我公順時令守歲華堂
開遂於均國暇觴詠會羣才四座挹高言已覺春
風來異味窮水陸旨酒盈樽壘相將樂未央今宵
去難追

鬱鬱庭下松脩脩檻中竹共此歲寒心臨風韻戛
玉公言壯盛時彥會踵相續鴻辭逼歲除錯落爛
雙目俛仰六十年人事如車轂惟公壽而康風雅
事所獨

濟濟衆君子雜佩皆夜光更聞羣從賢新詞奏笙
簧接席一堂上文史何汪洋盃觴閒談笑浩思坐
飄颺我公吟懷發撫時自歌商誰將冰雪姿仰酬
金玉章

三年京洛塵又見歲云暮朝來登公堂旅愁風捲
霧几橫萬卷閒寒梅一枝護乃知勲業崇冲懷在
幽素高會眇難儔明時良易度千秋願若斯歲歲

從公賦

塔

黃宮應兩月官曆餘一行尚書修故事高會招王
揚銀筵蠟如燾櫪馬爭徬徨敕廚致珍饌品數客
未嘗花瓷瀉羔兒入手破鼻香塔也來京輦八年
三徑荒每因節物改車輪轉中腸不圖藿夢中如
挹金梨漿既醉客愁醒那復辨他鄉矧公笑語溫
几席生春光不待健步移梅花吐座傍津津說當
年前輩風味長開樽同守歲鵝鸛爲之張邇來耆
舊散聲利徒奔忙豈知東方星太白獨煌煌盛事

有今夕千載記斯堂

元鈺

逆旅歲云除光陰亦如客臘尾得大盡乃有小除
夕自公得休暇曠欲排羽翮出門無所之誰爲阿
戎宅尚書開華筵明鐙盍冠幘四座皆老蒼屠蘇
愧先獲春槃多異饌茫不辨菽麥爛蒸菜州雞縷
切灤水鯽江南黃雀肥山東湯餅白人皆薄海彥
器有殊方食非徒醉葷羶因之養風格歡酣意未
足留客復改席評詩兼看畫清興有餘適珠韜韞
明輝錦軸展遺蹟恭惟文康公股肱弼台德當年

政事堂天下仰赤舄至今海寓內嘉謨
飫膏澤龍鸞舞縑素髣髴圭璋色
靄爽歸帝旁菁英在點畫拜看肅
衣袂敢不步跼踏韋平世業長三事
在一室我公魚水分豈不過疇昔黃閣
卽奮庸朱門看舄奕一士飽不難蒼生
仰安石

仁錫

天運當歸餘人情重暮節迅飈催急景
百感紛如結憶昔侍漁洋高情緬曩哲
韻拈常侍詩唱酬出更迭一從歸田來
此事久歇絕舊雨隨晨星念之肺肝熱
英英商丘公文采當朝傑休沐踵前修
招

邀簡頻折入座多勝流芳醴觥心凸觴
行閒珍錯金盤飛素雪伊余性寡諧豈以
醉飽悅仰止大雅棟委心不敢媒抗懷千
載名謝彼九衢轍東風時一披花柳齊舒
纈春波展縠紋春山露環玦何當撰杖從
登臨恣搜抉旨格辨風騷就公叩真訣

華亭

王圖炳 麟照

憶昔聚星堂冰雪碾輪轂深杯寒可銷
佳客來不速號令詩壇嚴風流醉翁獨
遂使門下士白戰慕高躅吾師掌邦治
和膏盛滲漉淡泊鮮嗜好酸鹹迴絕俗
鎖印有餘清觴詠古歡續春遲臘鼓催
夜

久銅壺促家琛集許燕國彥會潘陸紅燈翠幕間
梅竹幽以馥懷哉舊雨多

原唱極懷合肥宛平堯峰新城諸鉅公守歲之

會樂此勝情足即事賦長篇原泉湧萬斛譬如觀

滄溟朝宗納川谷又若三峽橋天半晴飛瀑試問

躡青冥寧有階梯不勉和調刁音避席手頻束隨

門敢獻珠楚肆難銜玉悉索笑饋歲砭砭雜魚目

用東坡句

至

我愛開先僧

心壁

朋情何繾綣每當歲之除殘札

羅几案曰別故人久檢閱當會面矧共京雒遊

而不時相見向夕走家童委巷招邀遍迂辛與

短李騎驢赴款宴石花雙鯉魚冰盤促首薦蠟

黃菜雞肋肪白東鵝片字裂頰團餅縷切銀絲

麵鄉味及方物廚娘取次辦鬪箸俄已空汾酒

行無算或與話文遊或與說鄉縣或以肩相倚

或以拇自銜宛若雅集圖西園豈獨擅憶昔丙

子年大雪深沒骭門前罕車馬九陌鋪江練好

客王新城燒燈當夜半雪事任鬪分余賦王之

渙回首忽一紀舊雨多星散忘形剩我曹得酒

亟應勸年華不少留頭銜何須換好待春雪飛

西陽類稿 卷二十一
還期共白戰

過銀錠橋舊居

鼓樓西接後湖灣，銀錠橋橫夕照閒。
不盡滄波連太液，依然晴翠送遙山。
舊時院落松槐在，僊境笙簧歲月閒。
白首鍊師茶話久，春風料峭暮鷗還。

和前韻

塔

長橋如畫枕銀灣，舊路沙痕想像閒。
巷裏幾更春燕主，水邊仍對夕陽山。
風煙喬木蒼龍老，鐘鼓靈壇白鶴閒。
正欲淹留追昔夢，滿城鴉雀故催還。

早春遊高元殿

峇亭殿閣御河濱，早歲來遊太乙祠。
一自世宗留法駕，幾經元老進青詞。
僊壇寂寞簫聲歇，深院陰森柏影移。
常日閉門春色裏，碧桃開落少人知。

和前韻

嶠瑞

殿峙西華照水濱，世宗當日望仙祠。
纔教張桂爭新禮，更遣徐袁進麗詞。
鶴影已隨雲氣滅，松陰猶趁日光移。
雷壇劒室依稀在，雖有中涓問不知。

春日雪後西苑啓事

晶瑩雪色帶雲沙，啓事郊宮聽曉鴉。
天外羣峰真削玉，苑中春樹乍開花。
攀藤日下恩元渥，種麥

西陽類稿 卷二十一
原頭興自賒好待天桃紅潑眼詩瓢酌酒送年華
和前韻 夔

別甸晴風漾白沙上林初日散宮鴉藍田向暖猶
生玉苑樹逢春已作花丹鳳樓前班未捲金魚館
裏酒頻賒新年細草皆霑澤不獨蒼官領歲華

陳琰

一宵飛雪壓塵沙車出城西起曙鴉破凍冰生溝
外水暗香風動禁中花郊宮退食蔬堪飽山店衝
寒酒可賒預識今年書大有普天佳氣兆京華

元鈞

細玉羅紋似搏沙曉山宮樹凍啼鴉相看不辨章
臺絮無賴猶遲韋曲花革履踏來詩并冷小車衝
處路從賒山公啓事怱怱畢更向塵埃得淨華

詠懷簡西陂先生

廷敬

一月不相見三春有所思殘花遮徑淺孤鳥託枝
遲物望如公在生涯敢自私祇應垂老意攄寫向
西陂

次韻答午亭先生

一病春將老高賢繫夢思閉門芳草積返岫暮雲
遲丘壑元難忘煙波乍許私時余奉
予告之命白頭同調

西坡類稿卷二十一
在午壁與西坡

西坡類稿卷二十終

孫乾金校字

西坡類稿卷二十一

樂春園詩

商丘宋榮牧仲

恭和

御製賜臣榮予告還里詩四首有序

臣榮樗櫟庸材謬膺

皇上特達之知
隆恩渥典備極殊榮茲緣衰老
乞身荷蒙 予告重以

聖製寵行嘉獎踰分曠古所無跪誦之餘益滋感
愧不揣愚昧依韻恭和四首俾世世子孫不

忘報稱於萬一云

先皇知遇早曾奉屬車塵久忝封疆寄今慚藻鑑
真農歌安晚節

聖製寵微臣魚鳥西陂在同遊浩蕩春

寶器光騰篋龍媒步絕塵

賜砥石硯玻璃諸器御乘名馬烏獬豸

便

蕃中使舁眷顧

聖懷真遇已超前代

恩還感衆臣

玉音傳問

答

宋胡忠簡有玉音問答

一日足千春

輕舟遊上苑過雨淨纖塵亭榭沿流啓林巒入畫

真晝長重

賜饌病差

敕扶臣明發清河送心

依塞外春

煙水蒙

君賜綸竿謝世塵藤陰風月渺花嶼笑談真圖書

傳高手

禹鴻臚之鼎作圖

耆英聚老臣

謂同郡李少司空元振

耄期

乘獬豸載祝萬年春

犖奏

皇上八十當來稱賀

題史蕉飲黃門春泉洗藥圖

春風長藥苗乍喜新雨足青黃界小圃參苓雜杞

菊詩人每善病藥裏香可掬經卷伴繩牀爐煙霏

疎竹因病輒得閒清詩盈卷軸蕭晨入春山長鏡

掘黃獨靈根出紫泥和露半囊束歸來呼奚童澗

西陽類稿 卷二十一
泉一為沐髣髵天台還回首迷巖谷高蹤寄霞表
相看鬢長綠
寄竹垞檢討東香阿耐野卷軒蕭景人春山身
森森鴛鴦湖中有陶朱里相傳此泛舟高風杳難
擬勝朝相國孫厥推朱翁子學贍不求名浮華視
敝屣少壯稱布衣居然天下士中歲應徵軫詞苑
詔修史君才兼三長大手罕其比供奉直內廷
文如繡鞞美如何掉首歸魏舒聘不起著書幾等
身今齊尚父齒定交憶京洛唱酬附賀李平江歡
聚頻燕寢香凝几一別來輒塵相思在中泚我亦

甫抽簪西陂耽煙水扁舟欲訪君登堂酌清醴二
老亦風流耆英會方始

題微峰姪滄浪校書圖二首

御書藉爾校讐精野水孤亭一卷橫霜縑貌出脩
然態也似王維寫伏生

進書輦下便圖歸共我西陂訪舊磯清詩攜得牛
腰卷不許緇塵化素衣

初至西陂寄長安諸子用東坡松風亭韻

有脚不踏淥波村清境往往縈夢魂今年得請返
舊隱煙水頓洗雙眸昏堂開魚麥宛世外略約近

西陽類稿 卷二十一 一

御製詩有當樂故鄉春句敬以名園

穿花時見孤鶴舞倚

石偶把殘書溫空亭林月散清影祇疑海上升朝

暎孤篁行藥遵野岸扁舟吹笛歸衡門故人天末

幾悵望得句難共儻父言滄浪琴僧

澄照

期過我西

陂春

家釀名

熟開芳尊

冬秀堂偶述

我家微子裔宋中聚族處高曾竝隱淪老屋庇風
雨後來遞修葺稍稍添廊廡先子致政歸人比謝
公墅樓陰側壘石巉巖起庭戶當年手植松根下
無寸土盤拏逼層霄點綴紅榴嫵迄今六十年見

者舌為吐傍有曾祖遺婆娑羊棗樹望去咫尺閒

似欲相爾汝近啓冬秀堂陶公句有取我我午亭

筆鳳鸞勢軒舞我老賦遂初偃僂守舊矩

聖人賜西陂盛事高千古樂春過盤洲幽亭峙風

渚實以張君賜匪敢越祖武幾日春風來杏花

綻孤嶼九老緬高會我將繼而舉

雪橋弔郢子道人

雪橋風物劇清幽四紀重來弔貫休菡萏香消誰

泛艇櫻桃園廢自鳴鳩閒尋舊迹林閒少追寫遺

詩壁上留垂白不堪斜照裏一聲鄰笛送悠悠

附步前韻

韋金

西陂西去梵宮幽，瓶拂曾經住惠休。
幾處霜風吟落木，無邊秋水泛王鳩。
橋頭茅屋誰重葺，篔簹裏新詩我獨留。
開士城南飛錫至，依然鐘鼓聽悠悠。

時約僧月溪住此

早春喜滄浪僧澄照遠道見訪適鄉僧月溪亦至口占以贈用孫韋金韻三首

玉蘭千樹雜紅梅，領略春光第一迴。
牡丹曾約滄浪衲，不道先期得得來。
曲徑深林取次探，西陂也復似江南。
空亭怪底雲

煙起畫卷同披海嶽菴

大事恒從方外期，高人接跡慰遐思。
清琴狂草移

情處正是朝衫乍脫時

澄照善琴月溪善草書

附原詩

韋金

連宵風雨綻寒梅，索笑巡檐日幾迴。
正是春深花事好，柴門剝啄穎師來。

曲崦幽溪且共探，還招老衲宋城南。

謂月溪

西陂

韻事由來勝舍外，新添二妙菴

與爾茶瓜有舊期，三年不見繫人思。
數聲秋嘯

琴名重彈罷夢到滄浪，月上時

上巳邀諸子遊樂春園

令節催遊興芳郊過雨辰千林花競發萬象氣皆
 新傍水開園好歸田荷寵頻御書驚父老
 賜果帶松筠豈獨安衰質還依聚故人風騷推作
 手謂周瓶拂接閒身澄照月溪碧蘚欣迎步幽蘭
漢荀許共紉清陰牆柏送紅溼海棠勻梅落疑留雪芹
 香當煮萸樹根纔命酒河上又垂綸楊柳縈波面
 櫻桃點礪脣待搖烏榜去長與白鷗親老境惟瀟
 灑高歌異隱淪載賡
 聖人句真樂故鄉春

附前題次經一韻

吳江周龍藻漢荀

春遊剛過半令節又重三繞郭田凝綠當門水
 積藍芳菲須遍采景物得深探花藥初分徑琴
 書合共龕平疇欣四達孤嶼喜中含樹擁蒼髯
 立藤抽短髮鬢晴煙渾似燒川氣忽如嵐淅淅
 聲藏塢霏霏影照潭御風君正健坐雨我還諳
 好事傾江左名園勝洛南賞奇開芟閣遇隙結
 茅菴每送閒鷗浴頻來小燕喃清談方外洽逸
 興座閒耽叔夜居非鍛淵明舉是籃解衣浮舴
 艚岸幘逐驪驂試待千林曉依然萬象涵軒昂

隨老鶴束縛解枯蠶喚起歌鶯脆扶行舞柳毳
遨頭猶可續婪尾肯辭酣只有新詩警牽吟轉
自慙

前題同漢荀作

歸途
遇雨

韋金

花事九分九令辰三月三隴田相錯綠天宇乍
垂藍古意追修禊芳園得共探踏莎循僻逕聞
鶴坐幽龕木筆芽初迸海棠蕊半含龍頭槐攬
搏鳳尾竹鬢髮松老盤青蓋山低挹碧嵐展茵
臨月榭浮竽對花潭名畫騷人讀清琴衲子諳
曲終過平舍北地勝媿江南桃李開千樹汀洲

峙一菴繞村鶯睨皖掠水燕呢喃鰕菜從人覓
漁樵素性耽麥荒翁荷鍤桑嫩婦攜籃落日才
搖艇言歸又駕驂歛然雲鬢鬢遙看雨泓涵氣
暗投林鳥聲清食葉蠶馬行泥活活煙罩柳毳
毳愁溼春衫冷衝風逸興酣高吟酬倡句屬和
自懷慙

邨居卽事

時聞筠兒
南宮捷音

祓除纔過麥藏鷄投老邨居興倍加縛就小橋通
竹圃搭成高架待藤花疎籬偶趁飛飛蝶遠水時
聞閣閣蛙吉語忽從天上至正當倚杖路三叉

附次前韻

龍藻

淥波邨畔噪林鷗此日先生樂事加老去可容
閒種菜春來又報早看花翩翩舞對迎風燕唯
唯聲催過雨蛙傳示新詩教屬和不嫌才盡手
空又

步前韻二首

韋金

幾日孤邨噪乳鷗平林接葉暗交加清泉白石
成幽圃野杏山桃帶晚花竹塢陰深方聽雨漁
歌聲斷更聞蛙惜春無計春歸去徒倚空亭手
八又

疎林落日亂棲鷗詩思閒憑景物加隴上新苗
翻碧葉籬根野菜綴黃花塵難到處聊馴鶴雨
欲來時早聽蛙舴艋輕搖垂柳岸一灣春水響
魚又

折得西陂新發牡丹一枝付孫韋金戲成二

絕句

異種天香出畫闌嘉名特賜紫羅幘明進士初折第服此
來笑向龍孫道好把花枝子細看

汝叔春風得意時人言瑞應此芳姿無多日月三
年後又見西陂挺一枝

附和前題

龍藻

春到雕欄萬錦妍
新看賜紫更超然
亭亭秀骨鍾來獨
不是東皇雨露偏
盈庭根幹費栽培
凝豔還應次第開
却指一叢香雪在
白衣也傍紫衣來

步前韻

韋金

帶露迎風壓曲闌
紫英端不讓羅幰
青衫未脫花饒笑
且向枝頭盡意看
淡白香紅各有時
誰從空谷挹瑰姿
須知此地滋培久
才逐春風放一枝

春杪苦雨憶長安故人二首

坐向雕欄畔
天香衣袂侵
千邨將刈麥
三月忽愁霖
丘壑蒙恩日
晨昏望歲心
且同方外客
閉戶弄清琴

憶昔淹京國
英遊載酒頻
飛騰當聖代

謂湘芷日容壇

長禮執侯赤

靜山諸子

謂俠君寶崖于宮

贈別

還留句相思
又送春西陂
煙水遍佇立
向通津

雨中書事寄漢荀用東坡除夜贈段屯田韻

近郊千頃麥揚花
迨將半老農顧之
喜庶免去年歎
說餅行有日摘穗堪把玩
何期連旬雨溼雲不

肯散村居似乘船朝夕鷗鳥伴移牀避屋漏自暮
遂達旦殘書未及整瓶花落滿案出門望四野芄
芄盡凌亂欲向叢祠禱試取清泉盥呼童疏積水
操鍤戒勿緩衝泥釣叟來柳枝將魚貫念我逼耄
期頗自振慵懦蔬圃獨荷鋤竹爐每熾炭元惠山僧性海
常製竹茶爐此日懷鬱鬱搔頭坐空館可憐婪尾
題咏最多花含愁待晴暖五字走筆成聊博詩翁粲

附次前韻

龍藻

入夏甫十日愁霖驚過半階頭滴不休客子自
生歎青綠遍郊原秀色繁可玩歛遭狼藉餘低

昂各分散出門泥活活獨與形影伴頗如江鄉
惡梅雨迷昏旦擁書無好懷枯坐守几案街衢
濁波連勢欲一葉亂溼薪朝不燃頻就簷溜盥
排悶強裁詩頰斷思苦緩竭來大篇寄纍纍珠
在貫朗吟到百回頓覺起疲懦陰陽一氣搏造
化同爐炭盡掃障翳空旭日照亭館豈惟麥浪
輕併遣花房煖喜晴句再賡笑語風前粲

喜晴步前韻

韋金

千邨麥齊腰四月行將半積陰不放晴頻為苦
雨歎凌晨耳目清霽景真耐玩杲杲朝曦升霏

西陽類稿 卷二十一
霏宿霧散攤書坐南軒論文欣有伴雅志薄高
雲無勞悲獨旦搖牕竹幾竿扶疎影傍案舞簷
紫燕低穿叢黃蝶亂新茶呼童焙苦筍手自盥
殘雲歸去疾微風吹來緩櫻顆熟堪摘荷珠擎
可貫上客賦初成謂漢荀先生雄詞振衰懦載聽穎
師琴謂澄照上人置腸無冰炭還擬過西陂綠野開
池館晴煙汀樹明戲魚野岸暖天光入滄浪長
歌白石粲

喜晴用東坡安國寺尋春韻

送雨一月來東風大麥臥地小麥同西陂樹色抹

濃綠薄寒不放櫻桃紅春雨如油記農諺霽霖驚
倒白髮翁轉眼積陰忽一掃黃鸝曬翅斜陽中却
向柴門望邨外穗起依然似煙海芟梁新漲圓荷
生想見風裳與水珮何來盲婦劇可憐沿門唱曲
橫索錢但願一晴二十日黃雲堆壠田歌發

附 次前韻

龍藻

竹雞啼雨兼啼風舍南舍北泥淖同小園獨坐
情緒惡架有肥綠無繁紅何況麥畦連穗倒飯
羅愁絕嫗與翁尚書精禱陰沴屏銅鉦正掛天
當中便覺歡聲克野外目送波光浮兩海土人呼城

壕為內
外海子
么荷蓋小蒲葉長折來不減湘靈珮書
生習氣還堪憐賀晴快飲傾囊錢酒半霏霏花
弄日一叢香剩薔薇發

送澄照上人歸滄浪

雪壓梅花扣我扉風翻紅藥送將歸江天浩渺看
飛錫水竹蕭閒待步碕月下無絃憑撫弄秋來有
約寄芳菲約送牡丹於滄浪亭滄浪故老如相問放鴨西陂
趣不稀

附次前韻

龍藻

鄉語初聞喜款扉不堪襍被又言歸淹留西郭

風搖夢想像南園水沒碕太古音傳終漠漠將
離花發正菲菲與君同作遊梁客百日過從尚
覺稀

步前韻

韋金

避地西陂正掩扉高人何事忽懷歸筆牀料理
兼茶竈魚扈招尋又蟹碕來看梅林紛綽約去
當婪尾鬪芳菲涼秋景物還相報莫恨南翔鴈
足稀

對月和孫韋金次王半山題白雪樓韻

聽風聽雨連三春見月恒同見日少海棠花下記

西陽類稿 卷二十一 三
持觴曾覩娟娟一眉小閒園新霽月乍盈此際何
分夜與曉萬籟無聲惟蛙聲雖有此聲不覺擾欄
花逕竹影婆娑百尺髯翁獨矯矯二更欲盡三更
來時見飛星驚宿鳥美哉明月如佳人光彩四溢
霄漢表步檐高詠老瞞詩烏鵲南飛樹三繞

附原詩

韋金

入夏幾曾值晴時愁霖日多見月少雨餘乍吐
分外明半規當空詎嫌小恍似千里故人來良
宵坐對直迨曉天色如水露華濃萬籟聲清絕
憧擾龍鱗老松聳榦高疎影落地驚天矯涼波

澹澹輕風生流光照見安巢鳥可惜孤鶴不成
眠身依藩籬心霞表引吭忽逞聞天聲今夜月
明無雲繞

樂春園看芍藥用孫韋金韻

一春花事繫清夢日日邀賓設飛鞚天香已過來
狂香繭粟幾枝芳意動漫將盛事說揚州溱洧已
入詩人諷鴛粟粗俗祇堪奴木香瑣細難爲共駢
紅儷白殿青陽亞字欄邊任披弄憶昔六子啓吟
社雪園竹圃叢深露華重瓶罌滿插蒸雲霞清嘯
從人詫鸞鳳後來南國久勾留闊絕花香及鳥嘒

玩芳偶讌小滄浪好事吳人傳說衆豐臺前歲探
繁葩頗與吾鄉相伯仲綵旄絳節晴旭臨錦帳芳
畦殊色送故相一亭號最幽王文靖別業解衣槐下偕
賓從樂春此日得遂初櫻筍經時足清供藉草盃
將花相酌芍藥號花相翻階句聽龍孫誦上客賦手媿
王筠我老花前氣豪縱人言八十如四十懷抱脩
然掃惚惘前月花發紫羅幰牡丹異種余爲命名旣醉猶嫌
飲未痛會看婪尾作狡獪異種又出西陂宋

附次經一韻

龍藻

春歸怕作繁華夢猶爲尋花頻躡鞚高亭彌望

萬枝懸枝枝逞態疑飛動此花昔先牡丹出折
贈曾聞鄭風諷爾來變格日爭新培壅須臾紅
白共開遲不肯嫁東君恰留婪尾滋嘲弄連朝
積雨未飄零溼處微看香霧重從頭一一譜佳
名玉壺冰與丹山鳳紛綸蜂蝶止還飛雜以黃
鸝數聲哢天公歲歲蓄精英吐遍奇蘂欲驚衆
當初若竝牡丹開三逕何妨呼二仲却憂相妒
到尹邢特教次第芳菲送其餘桃李盡凡姿僅
足先驅克侍從尋常園官致數叢膽瓶斜插成
清供憑欄反覆悟天機有似莊生輕洛誦肌膚

西陽類稿 卷二十一
冰雪服綺羅眼光獨向花梢縱君詩首唱邀我
吟轉因韻惡懷惚恫和就甘受鄒陽罰一飲三
升未嫌痛廣陵東武故事存今段固宜高北宋

原詩

韋金

喚起一聲破曉夢西郊看花爭飛鞚到門先聞
撲鼻香婪尾春好迎風動當階翻出元暉詩溱
洧渙渙迴環諷十畝灼爍高下分一叢低亞紅
白共小如盤盂大如斗逞奇鬪麗待玩弄夜來
風狂折幾枝低頭不起含露重翠葉參差紅蕊
垂阿誰倒挂綠幺鳳蜂鬚蝶粉都有情燕翦鶯

簧不停哢寒梅高調真賞稀濃桃俗韻悅者衆
按譜等量誰爲儔牡丹丰姿宛伯仲憶昔大父
鎮吳閭數本遠從洛下送種向含清小亭中開
時雜選攜賓從樹根展席看不足朱櫻紫筍行
廚供紀事各擬奏新篇好句至今能暗誦雲散
風流渺難期嗟余對花空陶縱狂香浩態又一
時感昔撫今意惚恫眼前且傾酒如澗文字之
飲寧辭痛邀我當歌濂溪生花邊醉倒呼小宋

賦芍藥罷再成三絕句

將離賦罷思如泉援筆還成七字篇髣髴放翁居

蜀日一春常發海棠顛

見放翁花時遊諸家園作

豐臺春晚競繁華吟向芳叢興倍加漁洋句子吾

能記十里徐熙落墨花

東豐

豐臺有東西二處

前歲憶題詩寄語園丁歸有期今

日共知詩是讖戴花飲酒樂雍熙

附步前韻

韋金

自憐結習在林泉量雨占晴賦幾篇此日將離

花正好何妨醉後語尤顛

膩白殷紅帶露華繞欄三匝興偏加已公南去

應傳遍乍見連雲芍藥花

時澄照將歸滄浪

朝來續得鄭風詩獨對芳叢愜素期題就嘉名待圖譜却無好手似徐熙

西陂詩四首

粵余仕 皇朝四紀霑

殊恩雲陞雖洊致心惟

在衡門持節潞亭日常懷淥波村西陂擬結構全

家就潺湲繪圖邀客賦南望歸思繁轉瞬三十載

今始來丘園徜徉煙水中激流兼植援憶昔金山

寺遊眺侍

至尊西陂乞

御書龍鸞拜騰騫嗣

頒魚麥堂策勵及兒孫釣家易舊額

宸畫懸朝

瞰堂開遂夙願愉悅送晨昏爰啓榮光樓照燭遍

中原唐宋兩賜湖謂鑑湖石湖盛事史冊存優渥似此

無鏤刻詎能諼聊寫下里詞庶共農父言

逕轉地幽僻有堂曰緯蕭亢爽秀而野頗足安漁

樵廊虛備曲折山小具嶢嶢吟窩齋名美蔭周玉叢

萬玉叢軒名清響飄欄花紛點綴洋茶帶鐵蕉架上千

卷書歲月藉以消雲煙時過眼懷抱何翛翛琴僧

授指法溪友共酒瓢知交遍海內閭里乃寥寥南

北兩詩老竹垞阮亭悵望不可招兒孫半仕籍幼子亦

扶搖書來擬歸養云已理征輶家聲日以振所重

非金貂且同遺腹孫酬倡得逍遙

聖製寵歸老異數高千古篇中樂春字園名臣

敬取一杖度溪橋十畝入芳塢芒山積翠分喬木

清陰聚羅羅馬纓花勢與海棠伍節序屆南為俯

仰不知暑犖确行逕微叢薄香氣吐和松菴夙構

賜果亭近補婆娑引蔓長何日摘馬乳練雀往來

飛雌雄相媚媵杏照亭名故人書午亭公老筆劇掀舞

天香護異種婪尾出新譜竹搖千尺煙松活三月

雨未同玉版叅已快淵明撫平泉世所豔盤洲吾

獨許散髮步迴堤魚兒靜堪數惟有望關心不

以雲山阻

梁苑三百里此亦苑中地勝蹟總消沉荒煙但委
積幾處流水存遙波盪晴吹浩浩清泠池咫尺西
陂會想當鄒枚後高李起而繼登臨藻思壯歌聲
振湍瀨太白賦鳴臯酒酣發長嘅風騷供鞭撻小
儒三舍退其時三尺雪盡入公胸次迄今明月洲
斯人呼或出有梁梁跨岸背有亭放鴨亭直
花紅黏天長此送菴馥網魚鼓輕船時向柳陰繫
或乘烏獬豸沙路信所致非同廉將軍尚懷復用
意只待八十時攬轡去謁帝

長安午日諸同人集兒至筠融舟寓齋用余

邨居卽事雪橋弔郢子二詩韻見寄仍依韻
答之

經年不復聽宮鴉曉起南榮野趣加滿院苔痕行
竹逕繞邨香氣送荷花雲霄喜接篇篇玉鼓吹初
停處處蛙寢食少陵詩味裏無須冰柱說劉叉
舊雨情深句最幽傳來遠道慰歸休共言老去清
如鵠自笑生平拙是鳩蒲酒未同林際飲驪珠長
向篋中留相思竚立荒陂上歲月空憐逝浸悠

附原詩

沅

午簷晴霽散風鴉節近天中景物加半盞香醪

沉艾葉一株高柳當榴花軟塵怕逐天街馬幽
夢時聽水閣蛙此際西陂無那好只思踏浪舞
魚叉

樂春園後景清幽巖畔孫登嘯不休小圃偶尋
風蛺蝶空庭閒聽雨斑鳩龍鱗肯向松閒老鴻
爪曾看雪上留戊子夏留宿西陂三日問訊前時烏獬廌
青莎白水意悠悠

陳琰

霽色微涼散曉鴉舫齋綠樹影交加故園新筍
將成竹此地戎葵小著花清濁祇應憑酌酒公

私底用問鳴蛙朝川正憶東菑樂恰好簾前挂

畫叉

時懸陸包山畫朝川積雨詩小景

西陂泉石夏來幽居士偏宜署四休訪道有時
冠製鷓看山隨意杖扶鳩滄浪僧到琴重撫先
公見寄喜滄浪僧過訪詩卷雪苑人過酒可留自唱水僊浮
一葉荷香月白夢悠悠

元鈺

曉樹分飛紺色鴉小堂名飲興偏加杯浮平老

三年艾

党竹溪五日詩三歲已無平老艾一杯聊作辟兵符

座有科名一

樹花

石榴一名科名花謂蘭揮吉士

偶對午風思夢蝶漫隨秋

水聽鳴蛙春帆競渡江南岸紅斷溪西燕尾又
好在西陂杖履幽小亭初築號休休縹壺送喜
風吹鴈紗帽行田雨喚鳩霜鬢四方知未滿名
僧萬里為淹留中朝司馬歸田後多少人間事
繆悠

至

鶯啼纔過噪雛鴉嫩綠當牕客興加視草今年
聯棣萼趨庭往事說藤花官閒大似三眠柳門
靜何須兩部蛙蒲酒盈樽來舊雨新題鬪罷手
頻又

西陂煙月足清幽方外詩人到惠休
聞滄浪僧澄照過訪
十里芰荷藏鬪鳥千章楊柳帶鳴鳩平頭拄杖
穿花去短後單衣冒雨留極目雪橋何處是鷗
波無際夢悠悠

再疊前韻二首寄懷經一

沅

清冷池上銷魂地追記前遊興倍加曉陌籠鞭
過竹塢水天沉醉宿荷花白沙翠沼村村柳菱
蕩蔬塍處處蛙正是謝公行樂處吟窩得句手
頻又

封胡遏末人人勝小宋臨風憶未休下筆憐君

西陽類稿 卷二十一
如渴驥營巢笑我作癡鳩才華冀北宜軒翥塗
轍嵩南久滯留且喜鯉趨文選熟側身懷古思
悠悠

步前韻兼答湘芷先生

韋金

正當撰杖數歸鴉重五詩來興更加諸父一時
方視草故人偶過共看花萱含曉露迴幽蝶柳
暗遙汀噪怒蛙未到融舟蕭散地倚欄欲賦手
空叉

清冷池畔景清幽仙侶同舟思未休染翰才高
君附鳳爲巢性拙我如鳩半橋斜日行吟過一

曲輕煙把釣留記否去年相送處柴門月色望
悠悠

秋晚漫興

漫道滄溟是我家西陂隨處足煙霞孤松濤起閒
堪撫野水波澄望更賒鼎鼎年光來鴈陣悠悠生
計付魚叉 回鑿方物時當獻自向園中摘木瓜

附 步前韻二首

韋金

閒閒十畝好移家竹裏煙光竹外霞疊石爲山
登欲遍埋盆作沼興偏賒霜遲麥熟蕎麥方爭刈
水落魚寒漸可叉莫道荒村經過少老僧來往

西陽類稿 卷二十一
共茶瓜

住近荒芹白鳥家關心端祇在煙霞聯吟花外
幽期好拖杖原頭野趣賒大谷梨成枝拂檻烏
椀柿老影攢又夕陽西下荆扉掩除架閒園自
剝瓜

往歲暢春苑啓事常隨午亭先生出西便門
公重出此門感舊有作遠道見寄走筆奉答
少陵昔出金光門後來重過憂思繁東坡五字答
公擇彭門會合曾爲言古人風義皆如此此道今
人誰復敦午亭先生行古道顧余情實逾弟彘別

來一載念甚渴彼此酬倡搖夢魂今晨西陂除架
了忽枉雅調來荒邨爲言啓事便門過憶昔與我
同短轅謁來載經增悵惘風花輦路依然存清辭
健筆遠相寄宛如握手笑語溫余正停雲欲有賦
神契直竝居易稹清泠池水清見底哀鴈叫侶黃
葉翻千迴孤詠勝服藥幽憂之疾一朝伸菊英滿
把霜月上何當此夕同傾樽

附原詩

曾經齊對好字
廷敬

音書迢遞鴈飛翻往事誰堪與共論十里煙花
隨輦路五更燈火出重門東都祖帳何人在

北海賓朋舊日存再見渭城新柳色殘年銷得
幾迴魂時具摺子將請告未果

西陂類稿卷二十一終 曾孫齊保按字

(Faint bleed-through text from the reverse side of the page)

西陂類稿卷二十二

商丘宋犖牧仲

聯句集

初冬夜集聯句 同高念東先生曹實菴王阮亭謝方山

羈棲欲何為不如行荷鍤念翁筇倦招提遊先是有勝果寺

之飲愛文字洽牧仲晚照橫蒼山涼風吹白恰實菴稻

芒蟹初擘松牀酒新壓阮亭殘菊映深杯狂言遞相

狎方山人皆白社侶詩競黃池畝阮亭妙畫鑒東丹是日

觀東丹王射鹿圖歸人憶巫峽阮亭坐中吟不得荔裳妻

西曹最喜齋北陸巧當裕翁霜威逼簷牙星芒動

簾押仲不妨乘興哦未中考功法念煖思漢廟耐

冷畏堯廚蕙亭阮危漏川灌河氣壯兕出柙牧暫爾

賢聖中詎必金貂插實菴采隱夢廬霍泛宅羨茗雪

亭阮斗室卽江湖拍浮類鳧鴨仲牧旅懷歡已忘險韻

句偏恰念天馬行馭娑海鯨動呀呷聲殷雷破壁

勢急帆出夾亭阮縱橫字屢乙跌蕩顏能甲實菴銘鏡

聲叟樽書留老嫗篋仲牧久企松子遊無事宣公劄

方山稍聞動鼉鼓曾否熱羊胛實菴勿憚金吾訶重沽

錢未乏念翁

聖安寺聯句

同高念東先生施愚山王阮亭謝方山錢介維袁士旦

暮雲如斷山返照林下寺亭阮蕭散乃良覲斷續幽

人至入門盼寒柯揖讓爭行次念翁牆剝古時紅柏

剩經冬翠旦士肅肅僧寮清穆穆禪宮闕方山草創緬

金元丞嘗借初地寺內舊有金世宗章宗像元初奉太祖以下神主於寺之瑞像

殿牧仲金貂會三族絳節來羣帝爰遡大定年下泊

至元世剎那人代變彈指河山異亭阮茅社閉天陽

仍歸瞿曇氏念翁法象窮雕鏤鄭重

先皇昇寺有佛像出牧仲鷲嶺舊飛錫龍馭屢迴轡梅檀

佛嘗飛至寺中元學士程鉅夫有記百靈走蒼茫三車赫鼓吹愚山妙

相初無言宛若拈花示維摩不二門灼然第一義

念翁畫壁商喜留吳裝何詭麗仲絕筆追顧陸纓絡

雜珮璫山方天女靜窈窕雲旗儼容裔仲勢伏龍虎

馴氣攝魑魅山方梅檀邈古跡金粟爛名繪介竹

房穿碧煙苔碣捫綠字昨聞捷奏宣黔陽走吳淠

從此罷鼓鼙花龕得高會仲殿閣明佛燈齋廚出

香豉山方生菜薦春盤巨匕削羊臠介難窮祖帳情

時念翁略遣文字戲山愚擁鼻發長吟談天奮高視

酒氣徹鬚眉墨痕浣指臂旦士雅調紛鳳鸞險語掣

鷹鷲笑驅山可移怒號星欲墜韓杜競倔強皮陸

閒流易錯雜成宮商一滴大海味山愚既足張楚軍

亦已拔趙幟念翁舒嘯和哀猿振藻漸上四牧共擬

寒山詩聊述淨名意亭阮鼠鬚爭葳蕤鵠眼交睥睨

揮毫詫脫兔敵人不及避維介河嶽曠遙情海岱羅

奇思欣感共顛倒主客謝拘忌山愚綦烏錯羣賢旗

鼓當大帥旦士鬪場號禪窟東安妙談議未能離塵

垢稍欲藉鉗錘亭阮精藍梅吐苞老樹烏垂翅蒲牢

時一鳴牟尼靜如睡旦士飛甍落杳思空垣凋薜荔

牧篆煙縈狡狴香臺蹲鬣鬣山方野馬靜諸天蒼隼

側雙皆旦士醉鄉戰已疲重圍或可潰天寒僕御愁

促別喧車騎念翁迴聽金琅璫星河宿檐際亭阮

讀高念東先生瓊花觀詩因懷廣陵舊遊卽

席聯句同念東先生施愚山王阮亭謝方山

瓊花何意也愁人念翁且遣當杯酒入脣萬事揚州

成舊夢愚山三生杜牧失前身念翁雷塘螢火猶侵夜

仲牧官閣寒梅又放春愚山吟罷新詩轉惆悵阮亭二分

明月竹西塵方山

卽席奉送念東先生還山聯句二首

莫教嚴漏促行觴阮亭好月遲來縱我狂念翁九老幾

人歸洛社牧仲五言今日賦河梁阮亭還山白首身猶

健愛客清尊夜未央愚山他日登臨重相憶方山平泉

風物輞川莊阮亭

瀟灑由來屬樂天曠懷今復見菑川方山香山舊隱

人歸去長慶新詩世久傳阮亭纔罷朝叅翻獨笑愚山

頻耽野飲縱高眠牧仲勞君三疊殷勤唱我已風塵

四十年念翁

筵上咏鐵脚聯句同周紫海王阮亭謝方山錢介維程山尊袁士旦

經年疲塵鞅埋首困束縛休浴乘春閒客過欣同

酌方山春盤風味佳薦此野田雀牧仲羽族誠瑣細高

舉慚肉攫阮亭逐隊從鳩燕潛身避雕鷲方山曾向大

官殿鼓翅恣饞啄紫海有聲但勞利無心慕寥廓阮亭

稻梁性能諳林園意彌樂旦士穿屋軀體微啁簷毛

羽惡仲牧祥知近集庭孝感遙投幕引羣賀厦來應

瑞銜珠躩六翮奮何時一枝且深託胡為鍛羽翰

橫取媚脾臆山尊啁啾鴛瓦翻歷亂雲羅著介維彈射

空城尋縷切初筵數仲牧量同十步飲智愧三嗅作

長竿類黏蟬明珠異彈鵲亭阮率場田父愁繞砌兒

童捉介維佛首野夫獻斲脛庖丁斫亭阮稍聞鼎俎香

太息虞羅虐旦士品雖遜熊魚味終壓藜藿山方七箸

任縱橫口吻鑿精鑿克腸失肥甘膩手信披剝微

如出醢雞飛似搶榆鶯旦士鮮肥有本來香脆妙煎

燂腸胃少腥羶骨骼耐咀嚼夥聚無一變連啗豈

滿壑介維瞪目冀豐餘朵頤恣酬酢山尊染指類龜羹

鬪箸竝雞臠仲牧狂寧乞鵝炙渴欲思羊酪妙手菹

薑橙真意謝糟粕噬聞宮徵調老畏牙齒落亭阮鬚

掀競橫肱纓絕肆浪謔海紫披綿映短燭截肪侑康

爵報恩懷玉環錫名徵鐵脚仲牧詎能咸其腓誰解

鑄此錯亭阮人生耽口腹是物勞熏灼仲牧適口念生

成感心增索莫山尊小鳥生有營老饕意無怍旦士羣

飛失翾翾鬻取爭霍霍仲牧殺機滿天地繒繳到山

澤亭阮慨彼弱羽加何異遊魚涸山尊靜觀大化理坐

歎生機薄且侶燕危處堂伴鼠憎無角介探穀餓

憫趙銜穀貴占郭仲蚌蛤化已遲螳螂伺猶昨勿

笑掩目捕寧思撫髀躍阮我欲返其淳解網出湯

鑊塵清威鳳游政憚仁麟格皇然象帝先鳥獸稱

咸若紫海

木瓜聯句同錢介

嘉果美中州碩大懸林木蒸檀香勝棠烝栗色媿

玉種處異東門摘日當西陸仲李生怪心空柰似

喜辦簇數枚燕公袖五株華林曲介實成壓哀黎

花發值杏粥刪葉煩邨翁綴枝駭園鹿至斗漫誇

赤萍卵或遺黃鵠蠻榼顆遜芳諫果品同肅仲鹽

山恨未登何賦快曾讀光怪金纍柯聲價珠傾斛

至曰瓜省鋤勞非棗惱鄰扑韻繼萬卉凋收比五

穀熟啄防大觜烏蠹剔在桑蠋仲攀取得團圓拂

拭藉巾服至素商吹自幽青女飽更馥藥物宣城

良土賦杭湖足介裝疑海國珍權慮關門酷仲郵

遞競兼程捆載妙盈簾介聽鸝鄙一雙耀車當二

六懷橘自徒爾過江能化不仲濡澤佛手慙氤氳

仙掌出嶺恣至持贈燦篚筐護惜視寒燠仲磊砢

幽人喜饕餮稚子欲至盤盞位置高橙柑娣姒屬

雖謝霜袖圓頗笑凍芋縮仲牧種憶黃臺分蔓匪朱

陵續蜜脾潤詎乾砂斑點未浴供訝緱氏埋削宜

公輸督介維當俎菌蠹鼓縈座霏微獨仲牧冰骨傲雪

霜膩色逞膏沐侑酌薰夕牕伴書媚朝旭至鼻觀

趁靜便手弄戒迫促仲牧釀酒和秫糝瘳痾薄參茯

至豈惟呈陸離兼能已拳蹙介維夥薦傍畫屏醉攫

翻棊局釋名酢可餐御冬旨偕蓄仲牧酸苦愁客心

苞苴感末俗宛將柅蠟搏那異鬱金築介維三復報

琚篇相投莫碌碌仲牧

宋刻絲蟠桃圖聯句同兒

短縑結奇繪有蕢羨嘉果仲牧纂組渾端倪點染謝

婀娜至藉機杼寫生堪禋祀伴菰青絲用引枝縹

色妙烘顆仲牧獨樹迴扶疎連蒂恐傾墮至幹橫待

胎禽葉蝕疑螺贏仲牧頰榴或等觀玉李未足夥至

海嶠貌來遙斗室懸處頗仲牧魄礪實一雙掩映雲

五朶至鳳梭意良工鮫織筆非左仲牧在藝得神明

涉想極么麼至肖形儼吮粉申咏窮炙輶仲牧細玩

倍咄咄驀見信可可至憎俗錦段拋畏偷房櫳鎖

仲牧鵝溪遜爛熳顧繡笑纖瑣經營實云勞位置亦

殊安至王母授恒珍徐熙技難播涎從摩抄流摘

欲襟袖裏仲牧宋代製何人潞沙寶維我至精光騰
卷軸壓倒朱家舸仲牧

雨中漫堂聯句同何次德
陳次山

薄宦念索居苦旱憂正切客驚二妙來霖降三伏

節雷殷驅鬱烝颺散動騷屑仲牧商舞日色沉礎潤

土脈泄次山黑入太陰垂光閃銀海澈衛公一何莽

錢唐信作孽澎湃河勢傾照耀電影掣次德賦草愁

漫摘亭名喜任竊別院飛潺湲急響傳駟鐵仲牧閣

鈴亂匊匊庭麥漂漈洌燕翻失呢喃鶴聳羨孤潔

次山誰移匡山瀑懸向官舍稅生憎溢階除將毋煩

榜柁次德石洗苔露錢漲發洲隱玦灤鯽竚大上潞

沙畏突決牀遷豐溜隨步舉洪濤截仲牧披襟彌清

涼卷幔謝炎熱次山幸停吳牛喘宜取漢書閱仲牧蝸

廬紛縱橫蛙鼓獨怡悅次德荷葉倒半池榴英墜干

結仲牧檐柯俯而恭檻草偃莫茁次德俗韻清淙淙幽

興爭滴滴氣侵香篆搖波晃觥心凸仲牧娟淨明葛

衣蕭爽透簟篾次山坐起嗟滂沱轉盼居濇沱豐凶

變俄頃天地用奇譎仲牧汎濫成巨浸畚鍤開水埒

只合把釣緡還須躡輕橈垣頽戶難扃薪溼煙不

熱次德泥融拔蜀黍風微鳴蜻蛚次山蝶綵黏簾旌蟻

陣遁槐穴酒瓢憶空山破牕記老鐵楊鐵崖有破牕風雨記

感宋玉秋懷奪阮瑀吟訣仲牧茫茫隔林巒活活泥

車轍次德咫尺同濠梁曠望渺勃碣陂塘下閒鷗睥

睨挂殘蛻次山雲威互凌競星芒乍明滅次德戍漏聽

已罷筵燭跋亦迭既醉霽景臨申旦高唱闕城南

追勝遊絕塵共奔軼仲牧

孔雀聯句同兒

珍禽產炎方嘉名錫南客品流亞鳳鸞羽毛豔圖

冊仲牧紀官今大夫獻瑞昔重譯至卯伏或在埭籠

致恒從船小兒對本佳九嬪賦稱藉翠旂兮楚吟

飛蓋焉漢借仲牧樹尾聲肅肅蹠足晴覲覲矜麗逐

冶容導舞應手拍至思鬪儼雞雄獨立分鶴格仲牧

金錢列繡屏綠蕤聳彩額至行憐襪褫披叫任郁

呶嚇似竊龜背穹應受鶯歌責仲牧飲泉牴防牛啄

地毒尋螫至薄怒首漫翹偶驚角忽坼仲牧入春倍

絢奇落花齊凋翮碧雞謝森纏綠鳩畏逼迫絲竹

愛啁啾鷓鴣等格磔團扇製遜工車輪樣爭赫栖

宜珊瑚枝步當瓊瑤席織裘藻火鮮珥戶錦雲奕

萬里來三梁兩年伴雙戟鈴閣引頸閒嶺徼歸路

隔至影弄晴景初夢繞瘴海夕仲牧每歎造物靈允

屬文鳥伯至命儔整以暇比翼光而澤朝飢生菜

耽暮宿高架擇沙虛臥喜便徑曲飛嫌窄仲牧頰渾

染淺黃衣不著點赤至傍籬菊愧金照水池全碧

看雲頻孤騫下階時一擲懿哉西施稱困矣太尉

宅枇杷取共寫黃荃有枇杷孔雀圖鸚鵡許同適丹梯舊訝

登桂蠹疇醫瘠病亦來清詩貴維因創獲蹉跎感

待士悵望傷寄迹仲牧久結青霄懷會克元圃役至

西崑刻畫餘漫堂更攜撫仲牧

鮒魚聯句同周岷公朱悔人吳志上兒至

時鮮誇南州首夏三鰲薦嘉味配朱櫻芳辰趁紫

棟仲牧白浪狎噉喁碧藻恣遊行至昔名江東產近

憶富春岸岷公巨口不足稱縮項那堪羨至响沫

信知樂小觸輒生悵色潔鏤晶寒腹皤堅甲繕悔人

鼓髻奪爛銀脫網閃淨練形秀躍匣刀刺翫折襪

線仲牧後鱗諒匪誣去鱉當屬諺至出水尾未賴入

笥目猶眴岷公來應月令候行不江湖遍至恪貢馳

驛騎特獻開寢殿稍踰往歲期恰佐端午醺仲牧

飫嘗歡野客中廚先使院悔人既陋白小微亦晒松

鱸短叶如茶列犀鎧滋灰結寶鈿細瑣骨支撐叢

苞子連貫叶飪合澗芹兼雋竝盧橘見岷公滌腴挹

泉乳助韻芎薑片志釋名爾雅闕方法本草撰登

俎防損鱗貯肪偏宜人悔較河豚謝毒與熊白等

觀叶香疑躡鼎熟飽覺鼉飲叶濫公脂滑乍露

脣羹美留漬志麪上生致體殊瑩緩烝勢若顛畏啖

何其愚蜀人呼為瘟得珍未妨擅人悔買時綠荷包

膾處霜刃割玉屑簇簇攢冰花差差纏至風透座

送馨日晡色不變骨鯁雖摧殘煙波仍眷戀志老

饕偕五君朶頤或三嚙盤罄風雨疾箸鬪楚漢戰

牧仲蠻語詠參軍齋心戒許掾子是日蔬雅章緬信

陽託諷意何限叶牧仲

紅豆聯句同錢介維吳志上兒至

亭亭海南木結子麗不億牧託根自蠻方秉性具

炎德介種植徐表傳土物宋祁識至樹爭號杪櫛

花迴類蒼荀脫莢狀仍菽卻瘴功等蕙牧擊珊瑚

紛如染靛韜一色介臍裂儼指痕膚齒足首飾志

啄許綠衣觜栖合丹山翼至妃淚凝冰丸鵲血漬

粒食介含桃脣乍翻澡豆面同拭志飮果陋巴蜀

夥銀尚京國俗多於銀袂至豔將火棗齊圓未驪珠

逼志映燭暈彌增記曲名舊得介貽喜傾筐傾貢

缺職方職愛之則龍睛棄之則雞肋至嵌散播樂

府賭酒效鉤弋仲牧打鴛鴦以雙寄綢繆怨特志上比

難窮羅虬藝匪待后稷介維好製絳囊盛恐被黠鼠

賊志上蒙叟名山莊風流信無極仲牧

秦吉了聯句同朱竹垞 邵子湘

珍禽產邕管自呼秦吉了湘子脩脩羽儀澤炯炯眸

子瞭竹垞紺衿映日明花翅點雪白湘子尾翰山鷓長

形陋么鳳小丹味漫多知黃距亦何躄仲牧批肉冠

樣奇垂耳蠟光皎竹垞跣跣儼鵠鵠嗅嗅鄙伯趙好

語鎮閒關餘音或繚繞仲牧雖殊鳩舌蠻偶類雉鳴

噉竹垞宣和譜乃遺爾雅釋未表屢奮躍不停獨立

聲忽悄啖受野鶴欺飢慮狡童仲牧甘與炎陬辭

怕趁海舶杳羈棲恣飲啄簾幙信昏曉寄身在籠

中結思仍木杪湘子稟質洵云微卽物慨詎少所以

韓退之作賦感二鳥竹垞

西陂類稿卷二十二終 曾孫齊衡按字

西坡類稿卷二十三

韓退之不知為二鳥也

中語思不木少百稟自向云

解故欲解言辭對法為不華

管必辭知受世鮮其身歡文

西坡類稿卷二十三

商丘宋瑩牧仲

楓香詞

天香

龍涎香

島嶼蟠沙煙波抱月潛虬吐沫如許斂自綃宮滴
 同薇露萬里浮槎誰取博山小試似快翦雲英一
 縷裊裊縈簾拂座悵望海天何處 最憐空閨獨
 炷對氤氳燕梁鶯戶漫倚銀篝聽盡夜深梅雨此
 際相思不淺歎荀令風流頓非故素被餘薰纏綿

未去

水龍吟

白蓮

田田漫舞銀塘魚牀捧出梨雲好
新妝淡泞靜窺
湍瀨臨風窈窕翠羽低穿水
藻斜壓數枝偏皎宛
湘妃獨立輕綃掩映明璫綴
波光
照
三十六陂
森森漸黃昏
冰姿恁悄
開宜玉井折應素手
鬧紅
都掃露冷纔香
月明無影
賞花共老
對鶴洲千朶
堪成雪賦
向鄒枚道

鶴洲在梁園即鄒枚賦雪處

摸魚兒

蓴

甚江東綠波無際
泖湖風物尤美
露葵生處春洲
遠翠葉紫莖鋪水
輕摘起見說道
參差荇菜渾難
比煙邨小市算
只有吳鮮依稀
釵股好自伴菰米
秋風動有客天涯
徙倚采芳曾作
歸計當時但為
鱸魚膾何事悵
然如此誰鼓枻
常是那香羹調
向蘆花裏樽前
漫記與碧礪
芹芽簾泉玉版
瀟灑共丰味

齊天樂

蟬

西園漸屆清商節疎林一聲淒切葉底潛流枝頭
乍送常向空庭紛聒齊姬恨結正無限傷心曉風
殘月寥落高天滿身涼露響還歇 故園舊曾聽
處柴門閒倚杖清韻飄忽翻入雲深傳來院靜不
數哀蛩啼鳩悲秋自說任南陌東城斜陽明滅更
憶閨中鬢絲眞髣髴

桂枝香

蟹

江湖歲晚正水落空洲楓下高岸設蘄平沙敗葦
燈光零亂輪囷乍向臨流得掩青筐霎時皆滿誰

憐攜去漁莊草舍清霜一片 又早是重陽款宴
歎秋色殊佳籬金初徧幾處酒人對擘新橙同薦
老饕只愛持螯嚼想眉山曠懷如見還從醉後茶
烹石鼎恍窺雙眼

齊天樂

春日同諸公遊祖園分賦

柳煙如織綿初落好春尚留南郭野色分橋清陰
漲圃彷彿江鄉池閣碧桃吐萼更紅藥芽新紫藤
苞弱斜日溪亭半篙綠水燕低掠 舊遊歲華已
遠賓朋仍此地共傾山酌扇底眉彎花間句麗多

少相思依約東風輕薄漸吹得羈人鬢絲非昨一曲高歌醉中天作幕

虞美人

酒邊用吳凝父春色韻

橫波翦得吳江影髮覆螭蟻領文茵走上臉微紅
恰聽雛鶯羞澀呀東風輕盈擬倩遊絲惹留住
春光也暖香豔雪綺筵邊好個朦朧煙月斷腸天

永遇樂

柳絮和曹實菴

望去非花飄來疑雪輕狂如許未作浮萍已離深

樹此際誰為主隋隄三月幾回翹首一片漫天飛
舞最堪憐無根無蒂總被東風弄汝
離情多少問道春光何處乍撲空簾旋黏芳溼好
倩鶯銜取還思往日鵝黃初染變態頓分今古枉
垂著長條踈地縮伊不住

調笑令

任丘旅店有吳門怨婦題句自敘云妾白
挽月號蓮仿家住半塘幼失雙親寄養他
姓姿容略異慧業不同非敢擅秀閨中願
效清風林下豈意我生不辰所適非偶日

彈琴而相對百恨纏綿時捲幔以言征一
詩哽咽余爰題之驛亭人各憐之黃土可
耳丙辰三月廿日北上過此挑燈細讀感
慨係之因隲括原詩為小令用貽好事云
吳宮春深怨別離風塵慘淡雙蛾眉鶉啼月落
寸腸斷香消芍藥空垂垂流黃未工機上織生
小殷勤弄文筆新詩和淚寫郵亭珍重寒宵誰

面壁

面壁淚痕溼想見含毫燈下立風鬟雨鬢吳宮隔
芍藥香消堪惜明妃遠嫁歸何日一曲琵琶悽惻

阮郎歸

聞畫眉聲和徐方虎用山谷韻

雕籠小鳥兩眉彎誰為描遠山好音縹緲落簷前
空堂成碧山 低格磔碎聞關新聲李義山聽鸝
攜酒送春閒何時少室山

唐多令

偶憶

楊柳正如絲蟲蟲見客時愛房櫳乍出遲遲幾度
問年羞作答微笑道有娘知 回首便天涯幽情
減牧之悵紅橋雲樹迷離應是尋春人去晚風雨

過綠陰滋

蝶戀花

送曹娥眉歸毘陵用王阮亭韻

溽暑長安榴吐纈客憶尊鱸不待清秋節座上高
談驚乍歇篋中留得文如雪折柳旗亭歌一闋
竟別東華人道真癡絕無限相思何日徹春申浦
上蘆花月

綺羅香

螢

借草生情因風弄影熠燿飄來何處箇箇輕盈點

綴秋光無數纔亂穿小幔疎櫺又暗照空牆廢圃
似從他狡獪天孫繁星灑作夜深雨佳人輕把

扇子撲取青苔砌上玉纖籠住淒切寒蛩妒殺流
輝遲暮怕燭至暫斂微明綴庭柯頓成珠樹最堪
憐數斛徵求遍山崑放去

隋煬帝徵求螢火數斛夜遊遍放崑谷

魚遊春水

漫懷

蕃馬屏風小圍向洞房春正好鴛鴦飛起不道雲
深波杳映日曾憐杏蕊新籠煙還憶楊枝裊片月
常虧雙魚恁少遠道萋萋芳草天外山同眉黛

掃誰知孤客登臨總傷懷抱輕寒輕暝春歸久閒
悶閒愁秋到早斷續哀蛩蕭疎叢篠

青玉案

余以楓香名詞漫賦

楓香橋是黃州路曾岸幘扶筇去一望霜天風景
暮空山流水白雲紅樹動我悲秋賦於今屢夢
高歌處聊取嘉名錫癡語蘭畹金荃休見妒花閒
低按尊前輕度總愧江楓句

宋高賓王詞
名竹屋癡語

送我入門來

閨怨

翠浪翻帷紅綾燦枕燈花細落銀釭夜雨春風寂
寞掩蘭房吐絲妾似蠶眠箔奈化枳君同橘過江
此恨倩誰說與願逐晨風飛去遂到君旁水遠
山高雲樹但蒼茫鴛鴦幾見池中睡歎芍藥空飄
檻外香

醉太平

春閨用方虎偶作韻

花開亞枝鵲飛遶枝臨風偏惱萱枝道春歸有期
牕懸網絲琴閒鳳絲傷心聊寫烏絲問人歸幾
時

柳梢青

早春

何事淹留朝來春色又遍皇州綺陌燒燈鳳城挑
菜吹面風柔招尋漫逐鳴騶回首處傷心舊遊
燕子穿簾杏花倚檻小小紅樓

百字令

同王北山葉訥菴王阮亭過張晴峰寓齋

聽金山人彈琴

晴峰出藏
畫鑒定

消憂何處愛張融舟屋軒牕偏闊綠樹陰森新雨
後一架藤花爭發文酒移情雲煙過眼俯仰塵襟

豁枯桐掛壁鞠通

古琴內
蛀蟲名

隱隱曾齧

客有江左

風流郢中高調抱取金徽拂四座無言燈影靜清
響傳來超忽曲奏離騷腸迴冰炭宿鳥驚林樾嗒
然相對當簷飛出明月

少年遊

清明

禁煙時節好花開客思暗中催幾樹垂楊一庭芳
草小雨燕初迴三春光記得江南早林際倒深杯
杏子衫輕藕絲裙軟遊女踏青來

三字令

春夜雨

春正好雨絲絲溼花枝朱戶掩畫屏圍耐輕寒聽
細響夜何其三更後夢遲遲幾多思燈影澀漏
聲稀恨殘紅愁嫩綠曉來時

越溪春

賦得流水桃花色

灼灼花開溪水上天氣豔陽中斷橋野岸芳菲滿
把碧流染就嫣紅沙鳥驚波遊魚駭浪春到綃宮
木蘭艇趁東風好景武陵同最憐十里五里淺
瀨明霞一片輕籠漁父舊時應有恨捨擢去怱怱

珍珠簾

題陳其年詞集

蘇門曾說孫登嘯又何似仲舉清歌偏好一曲和
皆難聽餘音縹緲漫寫江南腸斷句又變作離奇
天矯高調是烏絲舊唱迦陵新草還憶往日風
流向旗亭畫壁雙鬢爭道廿載飄零剩鬢霜多少
天子凌雲思賦手喜歲晚遭逢非小堪傲有牛腰
詞卷將人壓倒

采桑子

舟泊南康望廬山用錢介維韻

西陽類稿 卷二十三
九
停帆舊是兵戈地寂寞城闈腸斷行人何處炊煙
一縷新桑屏風九疊干霄立翠染波紋多謝匡君
雙劍峰高割曉雲

南浦

登滕王閣

高閣尚巋然背江城俯瞰東流朝暮雙槳遡波來
登臨好襟帶風煙無數斷霞縹緲孤飛猶是當年
鷺潭影悠悠渾不定送盡幾番歌舞最憐詞客
消沉有殘碑剝落半敲古礎勝地走戈鋌帆檣集
乍息一天鼙鼓倚欄呼酒黃昏還聽濤聲怒歸去

蓬牕明月上照我醉眠南浦

高陽臺

章江舟次讀玉田詞步集中韻

遠水拖藍晴峰送翠徐牽三板輕船野岸風箏撩
人恰是新年垂楊不負東君約裊鵝黃一色堪憐
更悠然幾處漁歌幾點村煙家山回首斜陽外
但萋萋芳草淼淼長川十八灘遙舟人指向鷗邊
紅牙漫拍王孫句倚篷牕聊破愁眠莫垂簾尚有
江梅尚少啼鵑

